



Broj predmeta: 13-003293/20  
Broj akta: 01.1-1413EK-0024/21  
Datum, 19.5.2021. godine  
Mjesto, Brčko

Na osnovu člana 17. stav (2) Zakona o Vladi Brčko distrikta BiH - prečišćeni tekst («Službeni glasnik Brčko distrikta BiH», broj: 22/18, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-003293/20 od 10.05.2021. godine, kao i Mišljenja Pravobranilaštva Brčko distrikta BiH broj: M-533/21 od 18.05.2021. godine, gradonačelnik Brčko distrikta BiH d o n o s i

### **ODLUKU O IZBORU NAJPOVOLJNIJEG PONUĐAČA**

#### **Član 1.**

U provedenom otvorenom postupku za nabavku radova na sanaciji i rekonstrukciji krova i dijela prvog sprata na objektu Centra za socijalni rad Brčko distrikta BiH, a prema zahtjevu za nabavku Odjeljenja za zdravstvo i ostale usluge Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „PAPILON“ d.o.o. Čelić.

Vrijednost ugovora sa uračunatim PDV-om iznosi

**20.982,78 KM.**

#### **Obrazloženje**

Komisija za nabavke je utvrdila da je do momenta koji je bio određen za krajnji rok za dostavu ponuda dostavljeno sedam ponuda ponuđača i to: „AS Gradnja“ d.o.o. Brčko, „Kula mont“ d.o.o. Zenica, „Zanat-tex“ d.o.o. Brčko, „Elektrocentar Petek“ d.o.o. Tuzla, „Graditelj“ d.o.o. Brčko, „Papilon“ d.o.o. Čelić i „Astra Plan“ d.o.o. Brčko. Sastavni dio odluke čini zapisnik sa otvaranja ponuda. Sve ponude ponuđača su bile prihvatljive u pogledu načina pripreme, dostave, oblika i sadržaja ponude. Svi ponuđači su ocijenjeni kvalifikovanim, a ponude prihvatljivim i u skladu sa zahtjevima iz tenderske dokumentacije. Kvalifikovani ponuđači koji su dostavili prihvatljive ponude dostavili su ponude u skladu sa zahtjevima iz predmjera radova. Prilikom analize ponuda, Komisija je utvrdila da nije bilo računskih grešaka u dostavljenim ponudama. Dalje je Komisija, prije provedene e-aukcije, razmotrila ponude sa aspekta mogućnosti da se radi o neprirodno niskoj cijeni ponude, te je ustanovila da ne postoje elementi za sumnju na neprirodno nisku cijenu najpovoljnije ponude. U daljem toku postupka, Komisija je, u skladu sa odredbama tenderske dokumentacije zakazala e-aukciju. Nakon provedene e-aukcije Komisija je utvrdila da je najpovoljnija ponuda u okvirima procijenjene vrijednosti nabavke, te je dala preporuku o izboru najpovoljnijeg ponuđača u skladu sa kriterijumom najniže cijene.

#### **Član 2.**

Postupak je proveden na osnovu Posebne odluke o pokretanju postupka javne nabavke broj: 13-003293/20 od 16.02.2021. godine, Odluke o izmjeni i dopuni posebne odluke o pokretanju postupka javne nabavke: 13-003293/20 od 09.03.2021.gdine i Obavještenja o nabavci broj: 1157-1-3-124-3-183/21 objavljenim na portalu javnih nabavki dana 22.03.2021. godine, predmjera radova i ponude najpovoljnijeg ponuđača.

### Član 3.

Sredstva za finansiranje navedene nabavke osigurana su u kapitalnom budžetu za 2019.godinu, na organizacionom kodu: 19050001, ekonomski kod: 821600, šifra projekta 9426 Sanacija i rekonstrukcija ravnog krova - terase i dijela prvog sprata na objektu Centar za socijalni rad – Brčko distrikta BiH i u kapitalnom budžetu za 2020.godinu, na organizacionom kodu 19050001, ekonomskom kodu 821600, šifra projekta 11322 Sanacija i rekonstrukcija ravnog krova - terase i dijela prvog sprata na objektu Centar za socijalni rad – Brčko distrikta BiH.

### Član 4.

Ova odluka stupa na snagu danom donošenja.

### POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

### DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za zdravstvo i ostale usluge,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



**GRADONAČELNIK**

**Esed Kadrić**